

Dubbe, Alioth, Benenacz,
 Aldebaran, Algarach, Alpheracz,
 Wann diese auff vnd vntergand/
 Oder sonst glücklich seind vnd stand/
 So wirck den Stahel vnd das Eysen/
 Das wirt dir glück vñ wolstand weisen.
 Calbeleced, Rasdalgol, Azimech,
 Alderaimaim, Rasdalgens, Alramech,
 So sie auffstand nimbs Eysen vnd Zin
 Für dhand / so sie gandt wieder hin/
 Vnd steigen beim Horizonte vnter/
 Wircks Zin vñ bley/so schaffstu wunder.
 Rasalgethi, Vuegha, Algorab,
 Alhaiot, Rigel, Menckar, Altrab,
 So die auffgehen / Goldt / Silber / Zin/
 Arbeit / So bald sie wieder hin
 Weichen/vnd sich zum vntergang (lang.
 Schicken /nimbs auß / saum dich nicht

Denadigeg, Algedi, Kaytos,
 Albabor, Algomeisa, Teginos,
 Bey deren angang / Zin vnd Bley/
 Spißglasz / Riß / Koboldt / Contrafey/
 Einricht / so bald sie sich verschlauffen/
 Nim aus/das sie nicht selbs außlauffen.
 Scheat, Enif, Athoraye,
 Denebeleced, Alpheta Algenibe,
 Bey dern erscheinung vnd anfang
 Saum dich (Golt/Kupfer/Zin)nit lang
 Zu wircken / bald sie sich verblenden/
 Hab acht/ das du thuest dArbeit enden.
 Fomabant, Bedelgueze, Mirach,
 Vultur, Lancis, Rasabenzach,
 Seind allen Arbeiten/geb vnd gemein/
 Ob sie auff oder nieder geihn/
 Derhalb du waren solt die Metall/
 Miner / Riß / Koboldt Erz alzumal.

Ende des Siebenden Buchs.

Leonhart Thurneyssers zum Thurn

Churfürstlichs Brandenburgischs bestalten Leibs Medici
 Schreiben / von Alchymistischer sachen (auch deren darzu gehörenden
 Specien, Patria / wo die zufinden/ neben ihrer Art/Natur vnd Er-
 fandtnussen) Wissenschaft vnd Künsten.

Das Achte Buch.

Das Erste Capittel.

W Eil wir nun hievor von den Principijs, Medijs vnd Terminis / das ist zu welcher
 Zeit vnd Tagen (nach der Lehr Hermetis/ der do sagt: Wir wissen für gar ge-
 wiß/ das aller vntern dingen Tugenden / von den Obersten das ist von Himelischen
 herkommen) Die Arbeiten füglich anzufahen vnd zu enden sind einen kurzen bericht
 gethon/ Wird vns hier noch nötig sein/dem Künstliebenden Laboranten/ vor vnd ehe wir
 die Processen fürnehmen zu offenbaren/ an welchen örten vñ enden er sich der rechten Spe-
 cierum zu jeder Arbeit (die er fürnimbt/ weil die Minera vnd Irdischen Materien an allen
 örten / inhalts ihres Temperaments vnd der irdischen Krefften vngleich eigenschafft
 halber/ an ihrer in sich haltenden geistlichen Substantzen einandern nicht ehulich seind)
 gewißlichen zu vertrusten haben sol / aus welchem er auch einer jeden Lands art Erze/
 Miner/ Gestein/ Erdt / Saltz vnd andere Erdgewechs von den andern füglich zu vn-
 terscheiden haben wird. Dann Schwazer vnd Annaberger Silberertz/ Kupfer/
 Glasertz/ Schifer/ Riß vnd anders / haben einen grossen vnterscheidt. So ist Leber-
 thalisch/ Ruttenbergisch / vnd Hispanisch Silberertz einander sehr vngleich / gleicher
 gestalt wie das Schwedische dem Behamischen vñ Schwarzwaldischen auch vngleich
 vnd der Art halb/ eins sehr weit von dem andern vnterscheiden ist / Also ist es mit dem
 Goldertz auch.

Was zu of-
 fenbaren weis-
 ter nötig.

Schwazer /
 Annaberger
 Silberertz vn-
 gleich.
 Leberthalisch
 Ruttenberg-
 gisch vnd His-
 pangisch.
 Schwedisch /
 Behamisch /
 Schwarzwald-
 isch Silberertz